

銅梁山人詩集

銅梁山人詩集卷第三

渝江王汝璧鎮之

題五粒小松圖

空堂修起五里霧古磴犖砢荒塗橫小蛇蟠蟠不
上天石田瑤草低頭耕忽然拔地作人立擎雲裂
石便欲凌青冥厲風凍雨號不啻雌雷笑電來往
馳光精不知僵立幾百歲依舊短衣凍飭寒崢嶸
畢宏韋偃兩小兒摩挲抄下拜頭敲鏗六丁護靈魄
百怪通精誠嶽力軋臂指雲氣生幪帡日光著壁
不見影冷豔自照青牛驚龍鍾五大夫恐是其先

訪一株如我長支離突兀太瘦生一株出其右輪
囷拳曲染所兄厥後數株更小小呀呀脫襁骨骼
成之而角鬣紛偃蹇駢頭連臂如有情下有媧皇
補天之賸塊似石非石璜非璜巨靈夸娥撼不動
往往玉氣流空青金鑑試括雙眼睛以火來照空
盯眈乍疑峨眉西嶺不長之雪幹又似鬱林點蒼
削方之石屏側身欲入不得路承顏跌坐心怵怵
祇恐有時破壁竟飛去髯羊逐隊亦起尋初平

歲暮侍外舅登舟之武林夜分不寐適案頭
有東坡後赤壁賦命集其字各一首

水寂知魚樂相從得夜遊薄霜明岸石落月在江
流風悄夢歸客時士會兄客江右山橫掠去舟登臨笑飛
步攜我幾時留

乙酉人日

不覺歲華轉捲簾寒色餘愛留藜逕雪冷照木牀
書花粲先春酒泥封小甲蔬流年與人事碌碌兩
何如

曉臥不成夢空雲凝晝陰漸多離別感不盡去來
心綵勝欹愁鬢春風秘古琴情懷只如此刺促又
從今

吳江舟夜寄士會兄

冷顏坐倦燭銷紅聽盡瀟瀟暮雨中一片愁連春
草色又吹殘夢過垂虹

平江夜雨

載雪歸舟晚春宵愁柰何燈前人意苦蓬背雨聲
多契闊親交淡艱難心事訛無端成坐起連曙聽
吳歌

閩守陂將歸卽和題拙集二首韻寄懷

樹屋傭居共幾年城南唱和早流傳一從北雁分
飛去脫口詩多未暇編

祿養貧居力兩難昇平邁軸碩人安歸來牆角燈
檠在猶勝空梁落月看

吳中歸東守陂

無那遊絲與轉蓬相思都在水雲中一年匹馬蘆
溝月幾度孤帆笠澤風待得春來人又客攜將愁
去雨還濛往來瞥眼渾陳迹終古流光誤燕鴻

食蟊螟次守陂韻

水落霜籬稀秋會歸來誤謀婦出蟹糟胥胥手難
據不乏季鷹綠差有畢卓痼記君蝥蟬詩空想螯
如鋸不識蝥與螟二者必有遇一匡小於錢入跪

不盈箸彭越名已訛蔡謨疾奚顧填胸萬斛塵到
來須一吐十年食南食口腹定有數重上鴟夷船
尚乞微生醋天憐老寓公爲治小鮮具清寒析朝
醒餘惠逮童孺不煩郭景純瑣瑣蟲魚注猶勝窮
退之嘲笑馬甲柱從茲富旨蓄銷寒酒杯互何須
勅中厨了不費刀布窮薄自可人齒牙應不迂甯
用問監州無蟹良已足

同士會兄入南屏山訪大恆讓山兩和尚遂
宿讓公山舫并讀前後諸集同用東坡上已
出遊韻索恆公和

走來一路曼陀雨，打包直入南山塢。
高顙長鬣兩詩僧，對面橫譏雜嘲侮。
笑看居士衣上花，漫說闍黎齋散午。
讓公讓我山舫眠，天親兄弟到爾汝。
趙州茶熟芋火殘，鸞漂鳳泊風窗舞。
省卻伊雅欸，乃聲曾無繡被焚。
香苦臥遊坐穴一榻雲，遽遽便作遽廬主。
無臺明鏡涵髻螺，不費金錢看眉嫵。
可信三生慧業人，亦復清虛亦塵土。
平生不讀寒山詩，何意踏破蔬筍圃。
身不及膽凝于神，羚羊角上卓錫所。
筆尖香界眾相呈，蛇神牛鬼時花女。
詎獨支遠已贊休，昌黎老子頭亦俯。
不到聖處吾未能，鋪

糟更借香厨煮此心未必如石頑尙解逢僧作輓
語肯將文字縛戒禪莫負湖光徹天宇儒臞禪悅
同兒嬉彌勒龕中腹爲鼓結社便呼小輞川維摩
不言已心許連朝巢飲木不顛幾夜風行坎無阻
不管長鯨與寸莖急課晨鐘來報子

士會兄將歸蜀

壁

擬送至江右汪魚亭西曹

疑留南屏山舫雨中邀恆公讓公聯句繪圖
以紀復贈二律次韻奉酬

飛夢落天外春鴻戀弟兄相逢亂雲語萬里一宵
情畫裏關河出尊前日夕并可眞忘去住定後覺

心忤

睡足萬峯雨棲寒竹在牀爭添文字債拉入已休
行載酒意千古無家人一房擬同蓮社去船子可
能將

過魚亭留飲用壁間半潭秋水一房山句繪
圖拈韻分體雜言得一字

山如青銅水如漆太古精神九秋邑山如放土水
可人千古一時聚石室幾曲岱輿嶠一角水晶域
呀然黝瀟滌兀爾鬱嶒嶒千里萬里雲一堆兩堆
墨奇哉勺水黑無底凝湛蛟涎射朝日赤城紫海

兩腳踏不盡卻向蝸牛殼裏去以六月息塊兮岬
沕兮湑媼神治一拳龍綰剪半匹山不在高入山
何必深崕岬窟近市亦冥密嶽崎厯落可笑人
桃花流水竟何物此中自宜著此子不知誰何之
人狀非一或拍洪厓肩或屈渭川膝或作虎溪笑
或弄虎頭筆亦或尋楷霧又或倚瓠瑟眼迷朱碧
醉不知亂峯如客不暇揖水仙石丈兩無言暑空
觀天真似笠奇哉我家幾朶蓮華尖一條雪浪直
如何縮入仙人碧玉壺巨靈五丁無此術可能乞
我一峯讀盡琳瑯峒樓書結巢纍纍如崖密

送士會兄至衢處間家章伊明府邀入平昌

山行口號

可那逡巡別無端汗漫遊入山雲木回首水天
浮萬里此分手相思過九秋歸情猶不愜獨客更
安留

獨鳥衝虹雨消魂路百盤愁多吟眺苦情重去留
難不信江山助都成煩惱觀籃輿坐飄忽別袂覺
孤寒

平昌縣齋喜晤袁竹坡道舊述懷和晚憩林
亭韻卽以紀別

少紆萬里足同憩一亭陰獨往念歸客相呼聞宿
禽江山自終古夢想記從今明日攜琴去難忘海
上音

送別復錄別生憎風信催勾留半月話覩縷十年
來空谷永今夕殘春消此杯黯然鎮相對歧路各
邐徊

客平昌兩次皆苦霖雨撥悶成什

暗雨過亭午羈愁連夜分龍鍾千个竹狼藉一山
雲冷燐依檠動奇鷓逼枕聞曉看舊巾角又是瘴
羈薰

嵐氣溼毛髮孤衾生石雲女蘿穿牖入山鬼據床
分別夢淹今雨離亭負夕曛遙憐江上棹流喝正
淒聞

平昌縣滯雨感懷時士會兄歸蜀壁將返櫓
李

不斷長風浩浩吹千山春盡雨漣洏轉蓬歲月空
今昔假寐江湖有別離浦鴈祇憐分涕淚陔蘭何
計足烹炊不堪望遠增煩鬱寸草心連亂綠滋
一片浮雲暗路歧忽成西笑忽東悲差池別燕難
爲語三匝慈烏更有枝遊子忍能題遠志春風不

管怨將離懷歸何處歸猶客一種深情各自思

不寐懷士會兄

覺來衾枕亦飄蓬數盡深更長短風獨客爲誰留
別館一江何處是歸蓬料他水驛孤雲外夢到山
樓細雨中一樣迴腸千萬里天涯此刻幾人同

得句

努力加餐飯傷心遠別離遙知晝眠穩是我陟岡
時雲望番陽渺山愁太末羈歸途何處是念念總

天涯

旣霽復雨仍不得歸口號索竹坡和

鵲語難憑又變寒
曉來襪被未曾乾
豈緣石破常驚漏
坐覺杯膠亦起瀾
奔溜亂衝山合沓
頑雲盡作水漫汗
煙霞好處何嘗見
苦要留人鎮日看
一尊漂泊過春殘
山鳥江花笑語看
久雨方知晴日好
將歸又覺別人難
蒼茫行色奚囊老
黯淡遙情紙閣寒
獨去還應苦離索
瘴雲多謝滯重巒

懷汪魚亭

誰能砭我疾一語是吾師
每到廣情會難忘摻執
詞孤雲澹高興流水失前期
盡日尋思處南山鐘
暝時

金華山詩
次韻留別竹坡

去去何曾去去來愁奈何多情連月雨留伴一春
過甘苦論詩律酸辛記酒歌更憐雙別淚一半到

潛沱

時家兄
歸蜀

題竹

去來如流雲無心與君遇飛夢入秋煙獨有君知
處

蘿壁吹涼午夢醒荒雲十畝綠冥冥風鬟雨鬢愁
多少一隻蒼鸞獨翦翎

歸櫓李寓齋喜任子田至邀徐晝三同賦

倦魂積關山亢念自綿邈亂憂如波濤虛舟苦難
捉倘恍時若驚寤寐有獨覺缺月窺虛庭瘦影聚
芳葯委心入葦葺紆志返犖結念常在斯何貴
遠騰越比足戀蜚蛩爭飛笑蜩鸞想像只尺間意
氣俱齷齪相憶難一觀旣來恨不數風前思無端
癡絕不可貌熒熒燈半床閨闔星一角勞形盡如
此別夢何由搦夜闌出苦語荒鷄誤伊喔涕泗忽
紛來佳醪不成歡

同子田畫三宿東郊水亭作

水雲漠漠生素空斷霞下淬消殷紅頽顏霏霏滴

寒碧咳唾碎落頗黎風白魚吹沫水蘋黑草根
睽睽秋蟲菱花香浮醉後醒美人杳靄虛無中
擎音宵宵歸暝渚石上一片寒臙龐孤煙撲人
不得語颯然流響沉青楓

邀子田過守陂飲卽送歸興化

役役勞此生夢寐積塵埃兀對多遐思何緣得
欣賞淮南樂托人歲費屐幾兩每同社燕來旋
與殘春往繫彼江上舟稍就林屋爽主人方據
梧蹕然一拊掌顏色似老蒼風骨更康崑深談
移夕陰古意澹相餉老藤垂晚花新篁發疏響
昔年醉歌處

月影自悄悄散聚一轉移今昔足俯仰忽焉感晨
星孤思落雙槩月斜情已馳酒醒意殊惘摻手話
後期低頭費深想

恍惚行贈子田別

我方恍惚歸君又恍惚至解衣落江雲開顏破嵐
翠落莫世外情詰曲心上事無言獨能歌長笑亦
有淚離魂澹不收破月空堂闕拄頰看流星風色
杳無次人生非一身終然各夢寐前路不相知往
迹已如是恍惚君又行流水亦何意

夏至後一日李六允中過寓齋小飲用韓孟

納涼聯句各賦一首

暑半未伏庚日至初行朔景風候已炎潦水流始
濁瓜架柔蔓延鏡檻圓荷擢旱畦已稜稜火雲更
嶽嶽頰背如炮燂暍汗自涔潯水車望蟠雷零壇
祝銜雹觸熱君肯來問字意何慙文簞開書叢風
林戛商樂藿遙驚颺颺桐陰止鸞鴛息羽致自軒
臨風意殊邈薄醉定不辭禿管亦可握言論無俗
氛風裁自清卓追涼藉樹根移坐傍石角葉驚搶
墮蟬木蠹殷空啄草間螢亂飛衣上露初渥坐適
形亦忘談深塵仍捉於茲樂衡宇豈必蔭文桷竭

來走風塵心期共祓濯代檀念漣漪搏雲指駁犖
君馬纔上銜我玉還在璞日月逝舟車升斗乞稌
穉歸燕忽分飛羈鳥猶菴穀結夏遣蕭散苦吟笑
握齕神疑訝僚九心得誇扁斲挽強乍引弣繩險
已拔槩义手蟾魄斜嗒坐鯨鐘覺炎熇嘿呵噓雲
物工圖貌巧攝習者勝力懦勇于學走也笑駑駘
鞭之借敲撲蹠蹠氣或奔彳亍步仍鉗高情矚春
雲幽思感秋葑流泉初出蒙碩果方在剝檢躬滌
毛疵返視謝眉詠誼敦有箴規慮澹無礪砢感別
情更長小聚會應數迴腸無停輪離袪得暫搦竹

金華山志卷之四
二
栢自葆眞木石亦任朴徙倚相般桓出處共商榷
夜涼星闌干起舞鷄粗喔意氣遺龐豪涕泗羞暗
軟紛紛榮著花習習風披幄贈言愧瓊瑤他山有
追琢

昨年呈怡雲方伯詩守陂歸復和韻見寄再
疊一首奉酌

手裏深杯頭上巾故人面目認來眞幾年奔走空
詩骨半世心情負釣綸行處枯魚沉尺素坐看野
馬失殘春池塘冷夢重添續采遍蘭芳更采蓴

平慎行懷士會兄

嚮讀樂府最愛東門行詞氣和雅悱惻動
人有靜好之風絕伎求之念溫柔敦厚猶
有存者今年夏家兄歸蜀赴省試觸熱重
趼行七千里鍵戶獨居常自耿耿不復能
作詩歌而殷憂循環復不能自已因誦平
慎行望君歸之句輒掇拾紛緒歌爲三解
以寫我憂

巫山高哉高崔巍下有江水奔濤雷崑張谷翁百
怪伏鵲唬猿嘯行人欵火雲炙石熱鑱骨獨倚罷
僕驅虺隤夢中聚笑不願醒晤語旁人但笑哈滄

浪之天知此懷平慎行消千災

巴渝江水瀏以清千里削碧連塗瀛五年客夢紛
到眼悲來喜集坐復驚荒庭苦語莽蕭瑟蠨蛸遮
眼哀蛩鳴叩門稍稍見親戚冷顏乖隔半死生吁
嗟人情蠶紙輕平慎行吾弟兄

三十男兒困佔畢筆管支肩頤隱膝雕蟲得失何
足云縱博浮名竟何術成都市上自醉歌芙蓉煌
煌耀朝日迷茫江海遙相望井絡下射燈花燄秋
風肅肅計車疾平慎行辭石室

月下懷士會兄

漸覺生衣冷，翛然夜欲分。
地虛全受月，天淨不留雲。
獨影行成倦，多憂易自欣。
殷懷隔千里，消息遠風聞。

八月十五夜喜允中過談口號一首

一笑忘羈旅，相攜看月華。
涼雲生曲峴，清露下高花。
珍重秋來會，團圓客裏家。
幾人還遠憶，情話在天涯。

重陽前一日張蘭陔招同允中小飲卽席用
右丞贈張少府韻同賦

顛倒一樽酒，縈紆萬里心。
薄寒生醉頰，纖月在高

林影淡風前菊情移海上琴

允中曾受業

低頭拜東野

別思與秋深

時將遊江右

輓章北亭編修

二廳推老輩廿載作經師斷簡秋蓬散清風石室
悲有妻空作誄無子可抄詩最是淒然處張樊會
哭時

十月平昌山行見芙蓉花口號

風雨靈祠路空山見小春江皋牽遠夢鏡裡屬何
人薄翠拖嵐重寒紅注粉勻多應識王迴觀面愧
塵因

西江道中懷士會兄

無語向流水寒雲吹復生江天雙眼急身世一帆
輕雪色通巫峽春風遲玉京匡山好兄弟應識此
時情

題滕王閣

滕王傑閣敞高棱三過韓公舊服膺

昌黎記以名列三王之次

爲榮謂王勃作序王緒作賦王仲舒作記也

流浪江山渾自昔飛雲去

住竟何憑千秋名爲吾家重曠代人來暮雨登豈
有文章能繼美他年聊復說吾會

與鄭氏姊別六年相見於秦和官閣口號一

首兼似鄭文山明府

瑜珥瑤環膝下時，遶階最小恰肩隨。
不堪追憶半零落，更忍多年長別離。
覲縷艱辛甘食齋，清廉歲月共餽糜。
可憐過末重逢處，急雪因風四散吹。

喜聞士會兄省試捷音同鄭氏姊作

文命科名定有神，翻然卻走竟忘辛。
獨衝雪浪七千里，隊領銀袍第一人。
林下風傳烏鵲喜，欽頭花報錦江春。
飛魚快逐南溟去，共看天池草色新。

西江歸棹口占

初日照雙槳，冰花吹漸舒。
水寒文石淨，霜曉白沙

虛骨肉夢魂隔江湖波浪餘客心猶萬里歸興定
何如

鉛山舟中

寒沙蕩目流晶光短日正照江之陽天青水碧冷
相激坐疑櫂月搖清霜離奇眾傲石礪礪顙顙禿
鬢山赤蒼鏡中洞沿得幾里耳鼎沸溢波翻湯灘
聲礚礚確聲急船尾縮朒船頭揚門渦雪齒嚼篙
杖迎人拍拍飛饑鷁何須入險試忠信怯膽猛仗
輕帆強我生奚爲墮奔走波濤塵土分主張倦遊
甯勒萬里足江山緣重身輕嘗生平未肯任軒輊

山風偏與人低昂眼中骨肉竟誰是髯奴勸酒醉
一觴

玉山早發

掠耳霜風勁空疑石浪喧離魂猶水曲曉日到平
原山禿冷無色村寒深閉門行人在歸路凍鵲語
相溫

白雲寺

貫休圖寂處休自
號得得來和尚

路人只自悠悠去和尚何因得得來道旁塵土掃
不斷嶺上白雲還幾堆

嚴瀨阻風

行路難如此長風詎可乘去帆明積雪柔櫓碍輕
冰颼勢晚逾力山容寒自凝離人萬里恨都欲問
嚴陵

歸橋李寓齋喜李六允中夜過劇談達旦踏
雪歸有作次韻二首時允中返自邗江約待
士會兄公車將同北上

風色崢嶸別思難歸人渾作遠遊看酒腸歷錄非
關醉情話纏綿未易闌江夢留迎羈客伴春痕暗
入雪泥寒來時共話巴山雨襍被連宵好放寬
未敢多愁怯路難禿裘短袖笑相看冷顏兀兀心

猶遠晏歲遲遲興不闌一月燈花當雪煖四千官
驛八春寒落帆亭外光風動舉手青霄帽影寬

銅梁山人詩集卷第四

渝江王汝璧鎮之

藤花集

丙戌始通籍爲吏部郎每晨珥筆藤廳鈴摘
紙尾簿書奔走無暇作詩性不喜酬應落落
無交遊有以縑素索題者輒謝不能又好尙
高遠以爲風詩小技婦孺與能雅不欲以自
炫然偶一吟一詠輒爲人攜去如落絮隨風
或聚若流蘇旋成殘雪不可復聚以故銓部
十餘年僅得詩二卷曰藤花集曰玉脂山房

集玉脂者先中丞公所遺視也貧無抄胥二
集甫脫稿隨卽失去茲搜葺得數十首以補
藤花之闕玉脂集爲江津王虎臣孝廉攜歸
蜀中今虎臣久歿詩必無存者存目焉耳

同人直宿銓署集字作

五夜多高致南曹訪舊題故人能對酒昔夢與雙
攜雲暗錢唐遠花飛杜曲迷吟情銷不盡月到古
槐西

長至前三日積雪凝寒載酒過程魚門同年
不值卽用遲雲閣詩韻並邀方耕梅前輩同

作

欲爲梅花賦大招孤山斷夢失岩嶢未吹暖律回
燕谷先聳吟肩到灞橋晏歲人情同浩浩晚風歸
路自條條可憐載酒元亭客空笑程門立一宵
那能善閉似蝸羸冷面風吹已欲酩酊可尊前歌
慨慷看他天半舞旋波愁兼僕馬清遊少凍合關
河古恨多賸得虛齋如小艇便思相約挂寒簑

雪霽得魚門和章疊前韻索方耕梅前輩任
子田儀部和

雙翻雲中不可招曾冰塞戶尙嶢嶢朝饑正好烹

殘雪昔夢何因到斷橋
古屋多情眞入畫
老榆無語自封條
遙憐墨守窮經客
白鳳飛來負此宵
西山久不見青螺
霽色顏顏相映沲
詩卷忽攜滄海月
騷情欲溯洞庭波
平時汗漫相期少
一夜毛沙所得多
堪笑虛堂仍獨宿
與誰銅斗舞漁簑

梅影

莫問南枝與北枝
東風吹夢意遲遲
忽來水淺雲深處
看到參橫月落時
綠鳳誤棲應有恨
玉龍銜怨恁教吹
不須冷笑林君復
一字都無格更奇

題李桂山秋江載書圖卽送歸渝州

峴嶽之山吾所邦上通井絡連天江下爲萬里之
漕瀧由地中行穿崕峴旁鑿地肺開鴻龐茅家秘
笈堆滿橦洞庭一點浮吳舡左神林屋深且龐此
中有路無人楚雲籤梵夾高如幢曾探禹穴搜徑
徑如入孔壁聞金縱至今秋夢心猶懣華陽人士
皆厚矸濫觴不肯觀洪澤江神坤媪迪厥懇呼吸
地籟陳鞞控文瀾萬古飛流澁是何天際來蒲雙
滄茫萬斛一粟扛肩最拍天巨浪撞鯨牙刺手濤
頭降得非太乙蓮花艘不則槎客乘星杠中有人
兮衣短褶邊耶郝耶腹脰肱森森武庫羅矛鏃左

蟠蛟螭右夔邶忽如蝸蝨緣秋釭有時碧月窺船
牕撲人衣帶吹蘭芷颯然飛起白雁雙天風瑟瑟
鳴珮琤歸歟繫纜枯柳椿楊雄秋室方啼蛺石室
弟子攜羊腔牛腰萬卷還耕耰笑予枵腹如空瓠
柳生兩肘雲垂睨嗒然凝望東逝淙飛鴻目送徒
跽躩

送友人歸蜀口占二律

國士如君少相逢酒正醺有歌皆鏤雪無字不裁
雲青眼望吾子鴻文張我軍蜀絃雙鳳語高調九
天問

遠道難爲別因君顏一開此時衝雪去他日看花
來玉壘縈歸夢瀛洲待汝才折楊聊贈策驪唱且
低徊

鏡背迴文栢梁體詩十二韻

清虛耀魄涵圓規晶晶寒玉胎娥羲縈回并絡鈎
尾箕擎蓋天矩環周髀平輪地軸圓浮杯瀛溟吞
縮蟠龍螭精金騰冶神工施靈符玉女丁星奇形
神閔畧含陽曦貞心憐影雙鸞飛纓予濯兮髮予
晞泓崢秋碧凝山眉

又回文五言律一首

金華山人言
秋月停雲嶠夜珠懸玉幢蚪盤看乙乙鳳舞要雙
雙游泳思蘭澤潔清懷珮璫樓寒遲霧鬢夢遠凝
花缸

將出口晚發并門

玉靶蘭纓并朔兒烹羊勸我倒金卮繫舟山上月
初落飲馬城邊星已馳桑下原無三宿戀曲中猶
有兩山思闕河滿目吟情壯載筆何嘗負此奇
時同袁愚谷少宰查辦口外各廳牧廠地租

雨宿忻州聞公孫杵臼程嬰墓不得往觀

跨谷馳坑馬力優古榆蒼綠見忻州頽雲勢壓孤

城下晚寺來同宿，鳥投白酒未能澆。
趙土青山空自憶，程侯山相傳。
程侯山相傳 欲眼慷慨聽城角，一夜淋
浪雨不休。

曉過忻州

夜雨前峰失朝涼，大野秋燕雲依日。
遼代馬得風道漸覺，茲遊壯渾忘去路。
修容城下過風景，似南州。

午日鴈門道中口號

滹沱河水走寒沙，句注山光駐碧霞。
好是邊城重午節，披裘韜劍看榴花。

一條慘白風花路萬疊青蒼銹色山千古多情雁
門塞行人回首看刀鏹

鴈門關

鑿天積鍊鬱崔嵬羊角搏風一綫開自古必爭天
險設長空只許鴈飛來建瓴北鑰雄關勢砥柱中
原上將才中外卽今車軌一據鞍憑眺氣佳哉

次廣武城

一片荒城倚夕陽古來壁壘半耕桑馬從過鴈峰
頭下路指飛狐道口長戍角響連箏柱落山花開
近鬢雲涼太平景物邊關麗何必并州是故鄉

渡桑乾河

重關殘夢醒拍馬渡桑乾山勢三邊接河聲五月
寒人隨沙磧遠天入塞門寬周道真如砥誰云行
路難

宿吳家窑

斧劈懸巖路到來如飲猿幾家村砦小一片晚煙
屯俗近河濱古山連晉望尊人聲歸蟄戶風色下
寒門熊館添嫵姪蠡房長子孫崩崖燒不盡陰谷
照來溫生計眞衣瓦窮年只戴盆爲憐邊地苦立
馬盡黃昏

左雲道中大風雨歌

一川雲氣黃冥冥涼風熱土陰陽爭穹廬廣漠莽
欲合中有磨蟻盤旋行忽雷劈地大野碎倒捲山
作洪濤傾天龍下索土伯窟羶羊罔兩投深坑砰
訇轟礚撼營魄還顧我馬方驕騰黑風鳴髀雨如
鏃馬逐雷奔人電掣須臾便似古戰場百戰重圍
一身突雨工欲去風轉狂陰霧迷茫收不得披裘
五月寒毛生便恐刀霜作飛雪天開沙磧流渾河
一鞭賈勇衝驚波解鞍荒寺一迴眺閒花廢壘秋
星羅偶然幻遇作奇詭境遷興往情委蛇不見長

天萬里青銅摩牛羊芻牧何其多吁嗟乎牛羊芻
牧何其多

曉行朔平道中

賀蘭山外雨如麻一夜風開塞北花草色碧於煙
際柳山容赭似臉邊霞馳囊酒瀉金鎗重毳幙歌
翻鋏撥斜惆悵元姬可憐色風鬟幽咽隱悲笳元
姬後魏道武歌
山李氏葬此

出殺虎口

塞門扼吭鎖長崖簫鼓聲中士氣佳風靜鳥蛇屯
北落星分畢昂界天街當年雪虐風饕數此日刀

耕火種皆直到龍沙看佩犢早聞萬寶化枯荄

鄂爾圖早發

曉覺重衾薄晴添五月涼宿雲猶戀草野日已浮
霜風到窮荒白山留太古蒼馳情向空闊天外一
身強

和林格爾道口中號

茸茸草色綠難支深比盤螺淺似眉無限銷魂煙
雨裏也如南浦別人時

過察哈爾牧地作歌

天蒼蒼山茫茫邊星厯落堆滿岡十五五穹廬

藏一川煙草碧間黃羌兒雜遯牛馬羊五色錯地
紛列行如芝菌茁雲霞囊牛得草人得乳潼樂哉
呼嘯羣飛揚古來白骨黃沙場代耕以殺肉作糧
青燐出沒白草僵羊牛辟易馬耳昂方今雨露彌
窮荒丁零冒頓皆我疆地不愛寶天當陽油油菽
麥黍與梁龍堆萬里齊耕桑隙地棄與芻牧良祁
連孳畜歌蕃昌

得勝口

天塹東邊門長垣細柳屯聲容威朔漠形勝拱中
原山勢狼弧直旂旂虎伐擎天驕久臣僕重譯盡

河源

留宿大同

重鎮雲中古朔方
萬人安枕倚邊牆
一家心膂聯并冀
百劫河山歷漢唐
飲馬窟南風已暖
牧羊川北麥初黃
解衣一笑何曾有
白磧風沙紫塞霜

大同月夜

羌笛胡琴動四鄰
碧天如海夜如春
白登山上高
高月空照年年青塚人

白登山月下夜行

塞山空自愁塞月如欲笑
各自難爲情萬古集欣

悼團團穹廬天莽莽關山道隻影吹有聲百感紛
在抱白月忽上山眉色綠重掃有如頰頰兒含睇
益娟妙此時憂喜情一往更顛倒山容自隴睎月
色太孤峭我馬鳴蕭蕭漆火點深突古壘多悲風
荒臺出奇嘯可憐青塚人終古眠不覺山月盡無
影客思乃幽奧邊風入枯樹哮犬厲如豹解鞍就
空屯山住月亦到四野聞無聲窈窕夢相照

過天鎮縣

行人向東望關日正西斜邑自何年聚城安一萬
家女牆新鍊壁山色古銅花形勢居庸接神州路

不還

晚行懷安道中

亂山荒怪月蒼涼
越越沙痕白似霜
星影自翻依樹鵲
風聲偏激離羣羊
歸程不覺征鞍疾
暮色還增古道長
鏡已在天鑑在手
始知身尙在他鄉

田塍間野草著花粲然可愛漫與一首

星星瑟瑟點苔茵
小白團紅暗向人
別有化工珍惜意
草蟲低唱野田春

宣化山行過響水鋪曉到雞鳴驛

此身不覺與雲齊
路近天關列宿低
一旅歸人來

薊北幾家曉夢尙遼西道旁石火秦灰賸衣上霜
花漢月携急瀨飛龍三十里送人古驛正鳴雞

入居庸關晚至西苑

天門閣道通營室斗口長垣輦太微鬼斧神斤看
未了不周風送馬蹄歸

題某翁花下含飴圖

九天鸞鳳飛繽紛紙窗吹滿梨花雲依微香霧青
氤氲鹿裘跌坐者何叟白眼觀空支兩肘一朵一
杯花在手膝前玉樹何珊珊精神欲挾鳳與鸞此
翁此子同古歡壺中歲月人間有小詩聊復爲君

壽歸去來兮酌春酒

錢待之孝廉生日口占十二韻爲壽

落拓如君少艱辛豈自由可憐寒至此使我涕難
收瘡口依棲眾焦拳歲月道饑寒齊待命風雨孰
分憂及此懸弧日爲君借箸籌壯懷聊磊磊生計
肯悠悠學以多文富心惟作德休精神歸儉嗇厠
戶好綢繆瘦影天邊鶴遐情海上鷗本來毛骨異
豈屑稻粱謀徵理甯終拙空言未易酬銜杯同一
笑酣醉問丹邱

病中和昌黎燈花詩六首待之孝廉愛而和

之因用其韻賦長律二章走筆卻寄

偶因性僻耽佳句卻遣新愁到夜中
露氣暗連窮巷白心花開並短檠
紅更無塵夢煩金粟大有詩情付
草蟲莫怨搔頭秋鬢薄
龐眉書客未成翁鄉夢四千餘
里外秋更二十五聲中有人寂寂簾
垂綠對此茫茫臉斷紅
長笑仙人空照字可憐童子悔雕蟲
何緣得似維摩詰一丈花光對病翁

題羅兩峯鬼趣圖

昔聞蒼頡制字鬼夜哭
精靈始與幽冥通蚩尤作
兵弄雲霧乃下女魃驅應龍
遂令游魂精氣出入

人世界陰陽水火終古爭吉凶大者九頭欽尼澤
九土三仞三沮洪濤春小者散居江介爲瘡瘍或
負山海爲祿戎西北走洸陽東北蹲鮭蠃五殘八
厲四出逞妖怪誰其尸者虎齒戴勝而髮蓬神禹
鑄九鼎益烈山澤麾祝融牖民知神姦魑魅罔兩
無由逢奈何厥孫孔甲乃好鬼賁山風雨心魂忪
周公任太祝糴沈噩辜分夏冬七祀祀泰厲下建
族與公分符桃梗命方相黃金四目蒙虎熊如何
春秋四百二十載新鬼故鬼擾擾爭長雄俞兒右
祛短纚尺委蛇朱冠長及轡姑夢大豕作人立鎬

京老兔何躡躡介行公子結草翁恩怨刺促情僞
攻丹朱黃熊實沈臺駘託事不可說降巫告夢瑣
瑣猶卑庸秦皇虎視吞六合瀉池山鬼司其窮伏
生老而黠縱橫指點木火水金土鉤河摘洛羣儒
宗後來五行之沴妖祥禍青孰究詰董劉何鄭焦
京管郭悉數焉能終經灰緯燼詎荒莽酉陽句曲
藏靈蹤修羅賓迦子母萬萬黨侏儻傳說尤奇詭
溱洧蘭花續魂魄沅湘角黍投蛟宮祇因風雅入
風俗至今三月三五月五百姓日用而不知其爲
鬼風奈何阮瞻說無鬼如彼王弼清言談易欺盲

羅生信目不以耳鬼眼瑩碧雙方瞳嚶嚶晝欸
毛髮動其所見者羣爲空走雲連風運臂指役使
百怪如沙蟲或爲廣顙爲大腹或爲毀折隱伏情
狀工豈惟畫鬼得鬼趣直摹鬼易追羲農就中蒼
筤古鬼夜叉色云是焦山石骨神靈鍾便似杈枒
躑踞古鼎吐光怪雲霾浪打不斷青濛濛兩峯自
言所見
此燈花如蠶不照席鬼燐葉葉浮青紅老生舌橋
不得語睽車豐斗迷西東或謂羅兩峯何不學周
昉畫士女春花秋月昌而丰羅子曰不然蛇蚶蛎
翼將毋同卽論游戲筆墨出奇古豈不大勝翩翾

草問蝶搖蕩花上蠶我聞荀卿說人鬼簡連綬緩
冠纓容睨睨填填瞿瞿吁吁狄狄復莫莫瞞瞞冥
冥酒食聲色中炎炎之家瞰其室悠悠者影慚厥
躬五精失守營魄嬈顛倒二豎交相訐是以古恭
士七十不釋恭清明載神氣吉祥止虛空十日十
手指視在屋漏青天白日河聲嶽色披心胸豚魚
可孚百福致豈有鬼物煩祈禱我爲作詩質正直
怯膽變勇精神充積尸粉絮下天末缺月睽睽棲
枯櫟

春夜雨中錢鯤扶上舍以十二辰體索五言

六韻走筆應之

時鄉試落解館於微齋

北戶纔熏鼠東菑又叱牛虎皮寒尙擁兔簡靜宜
修龍氣三霄暗地雲一握浮譚經無馬鄭問字有
羊求猴任棘端巧雞因鏡影羞獠牙休笑狗白臍
見猪遊

諺云笑狗落雨又風雨占夜來雲氣如羣猪渡河來日有大雨

任丈豫章母夫人節孝詩

十解

烏虜任翁少孤績學以讀代耕稟慈母訓孝友醕
篤爲淮人士宗緬維節母坤德貞貞苦節卅年茹
檠爲殮鬻石爲饗日鏤月寒俾孤兒克底於成孤
兒長成操鉛挾槧宦學四方母則樂焉日願兒母

忘令名精誠貫天鬼神爲肅恭冰夷揚波母田則
豐純孝冥格熒惑反風家有古井七日清見毛髮
觀者如墉鑒節母心骨浹於神明天右節母俾壽
而康年臻大耋肌骨強維時孤兒肄成均不得志
於計吏徒步歸獻壽觴依依膝下又三易草木芳
蘭白華怡怡揚揚瓦鬲勺醴潔且清萬鍾百城不
易此樂此樂靡有疆天右節母以無疾終孤兒年
已六十如嬰兒兮溘終歲號而啗不敢傷自言往
日鼂莫矻矻職惟母心今則已矣不如無生勉爲
善人教化宗族子孫以報慈母靈烏乎鮮民哀哀

榮榮百苦萃於藐躬安得如翁周一甲子猶哺育
母胸嗚乎母子一身不得離影與形枯魚之生百
年恨骨猶斷蓬天平銜恤奚所終

豫章擬勒石索子銘識再題一首

卓哉任君視躬克純稟賢母兮維母之節金剛玉
潔儷婺女兮綿綿八旬茹苦含辛自終古兮翼菴
二雛拳焦口瘡振文羽兮青松歲寒人生此難神
明輔兮水不能濡火不能煇安厥土兮七日井冽
靈瑩石骨觀如堵兮凡茲異徵得所未曾理可數
兮維母盛德受茲介福爲世萬兮羈角之孤長爲

耆儻得其所兮吁嗟窮子孤露何恃淚如雨兮昊
天安酬咽咽隱憂更忍而爲此語兮